

History of Bodo Literature
Short Story
From 1952 to 1990

Karen Basumatary
Bengtol College, Bengtol

बर' थुनलाइनि बाख्रिखौ बोदलानानै नायोब्ला खन्थाइ आरो थुनफावथायनि उनावनो बर' सुंद' सल'नि जोनोमा गोजाम मुगायावनो गाजा खिलिजेन्दों होनना जेबो गोनो गोथो गैया जासे रोखा बुंनो हायो। इं 1940 माइथायाव प्रमद चन्द्र ब्रह्मनि सुजुनाय हाथर्खि आला लाइसियाव ओंखारनाय इसान मोसाहारिनि "आबारि" सुंद' सल'खौनो बर' थुनलाइनि गिबिसिन बर' सुंद' सल' महरै दिनैसिम गनायनानै लाबोदों। बर' सुंद' सल' जोनोम जानायनिफ्राय आथिखालसिम गोदान आरो गोजाम लिरगिरिफोरनि गोख्रों सानस्रिजों आरो माखासे गोदान गोदान आदब खायदा बाहायनानै लिरनाय बबेबा लाइसि बिसम्बिफोराव आरो खायसेबा गावनि नाजानायनि गेजेरजों बिजाब महरैबो थाद'नाय गैया जासे सोरजिबोबाय थाबोदों। बेफोरबादि सुंद' सल'नि सोरजिजाबोनाय जारिमिनखौ नायोब्ला थारैनो बर' सुंद' सल'नि बिसाना खम नडा आरो बर' थुनलायाव आबुं जानो हादों होननानै बुंनो हायो। बेबादिनो 1952 माइथायनिफ्राय 1990 माइथायसिमनि गेजेरावबो गोबां गागि आरो गागि नडै सल' लिरगिरिफोरनि रेबगननिफ्राय गुबुन-गुबुन समाव गुबुन-गुबुन लाइसि बिसम्बिफोराव आरो माखासेया बिजाब महरैबो सोरजिजानायखौ नुनो मोनो।

इं 1952 माइथायनिफ्राय 1990 मायथाइसिमनि गेजेराव ओंखारनाय बर' सुंद' सल'नि जारिमिन संदाननो थाडोब्ला जों गिबियाव लाबोग्रोनो हायोदि इं 1954 माइथायाव बर' थुनलाइ आफादनि सोरजिनाय The Bodo खुगा लाइसिनि गुबुन गुबुन बिसानाव ओंखारनाय लिलाबति ब्रह्मनि "गोसोनि दाहा" आरो "बुहुल जानाय", सिकेन ब्रह्मनि "हथसुरिया खाफाल", गहिन बसुमतारिनि "बारहुंखानि उनाव" आरो माइकेल बसुमतारिनि "बाथुवा" बायदि सल'फोरखौ। बेबादिनो 1954 माइथायाव नरेन्द्र नारायण चौधुरिनि सुजुनाय अखाफोर लाइसियाव गहिन बसुमतारिनि "उनदाहा" समर ब्रह्म चौधुरिनि "बारदैसिख्ला : बोथोर गोदाननि थान्दै" आरो प्रसेनजित ब्रह्मनि "बबि" सुंद' सल'फोरा ओंखारनो खाबु मोनो। बेबादिनो थाद'नाय गैया जासे गुबुन गुबुन माइथायाव बायदि लाइसि आरो बिसम्बिफोरनि गेजेरजों नुजादों। जेरैहाय- 1959 माइथायाव सिकेन ब्रह्मनि "जिउनि मोदाय", मनरन्जन लाहारिनि "बान्दी", इं 1963 माइथायाव नरेन्द्र नाथ

ब्रह्मनि "हथसुरिया खाफाल", इस्वर चन्द्र बसुमतारिनि "बेनोथ", बिरेन्द्रगिरि बसुमतारिनि "दैमुनि मोदै", इं 1964 माइथायाव जगदिश ब्रह्मनि "लाजि गैयै", दानिराम बसुमतारिनि "गुथाल", आरो "मोदै थोबसे", इं 1965 माइथायाव मनरन्जन लाहारिनि "लद्रायनि सिमां", सिकेन ब्रह्मनि "आगु नेरसोन", बिनय कुमार ब्रह्मनि "जिउ" आरो "हांमा", इं 1966 माइथायाव दानिराम बसुमतारिनि "दैथुन", 1968 माइथायाव सुरथ नार्जारीनि "आं सोरखौ गोसो थोनायमोन", लक्षेस्वर ब्रह्मनि "बिस", बिनय कुमार ब्रह्मनि "फैमाल" आरो "मोदैनि महर" बायदि बायदि सुंद' सल'फोरा ओंखारो।

इं 1970 माइथायखौ बर' सुंद' सल'नि माइलखुन्थिया होनना बुंनो हायो। मानोना बे माइथायावनो बिथां चित्तरन्जन मोसाहारिनि "फैमाल मिजिं" "फांनै नालेंखर बिफां" आरो "गोमानाय दाइरि" दोंथाम सुंद' सल'जों रनसायजानाय "फैमाल मिजिं" सुंद' सल' बिजाबा ओंखारो। बिनि अनगायैबो बे एखे मायथायावनो समर ब्रह्म चौधुरिनि सुजुनाय बैराथि लाइसियाव निलकमल ब्रह्मनि "बेहेर", "गोसोनि आखल मेगननि महर", हरेस्वर बसुमतारिनि "गोरोबनाय" बायदि सुंद' सल'फोरबो ओंखारो। कक्राझार कलेज बर' फरायसा आफादनि अनजिमा लाइसियाव निलकमल ब्रह्मनि "ओरैनो", प्रमिला ब्रह्मनि "फैमाल", हरेस्वर बसुमतारिनि "अनारिनि लामायाव" आरो "दोबैलांनाय सान" गांनै सुंद' सल'फोरबो ओंखारो। बिनि अनगायैबो 1970 माइथायावनो रिजेन्द्र नाथ ब्रह्मनि "जिउनि बिसिगि", सारदा प्रसाद बसुमतारिनि "आदैनि दाहोना रुवाथि", अबेन्द नारायण ब्रह्मनि "एनटि गार्ल", गबिन बसुमतारिनि "बेयावनो मिनिनाय गाबनाय", देबश कुमार ब्रह्मनि "बिबारि", जयमति ब्रह्मगिरिनि "खोमसि", प्रमिला ब्रह्मनि "लाजि गैयै" आरो बासन्टि नार्जारीनि "हावरिया खाफाल" बायदि सुंद' सल'फोराबो ओंखारो।

इं 1972 माइथायाव बर' थुनलाइनि बाख्रियाव नैथि सुंद' सल' बिजाब महरै ओंखारो निलकमल ब्रह्मनि "हाग्रा गुदुनि मै" सुंद' सल' बिजाबा। बे बिजाबा निलकमल ब्रह्मनि गिबि सोरजि। बिनि अगायैबो बे एखे मायथायावनो कामाक्या चरन नार्जारीनि "हांमा", जनिल कुमार ब्रह्मनि "बिजुलि बरुवा", बिनय कुमार ब्रह्मनि "गोदान हिनजाव" बायदि बर' सुंद' सल'फोरा ओंखारो। इं 1973 माइथायाव ननि गपाल ब्रह्मनि "फ्लिं-फ्लां खालाम, हिनजाव ओनगोन द्लाम" आरो मन'राम ब्रह्मनि "गोसोनि हांमा" गांनै सुंद' सल' ओंखारनायनि उननि बोसोरावनो थामहिनबा इं 1974 माइथायाव चित्तरन्जन मोसाहारिनि नैथि सुंद' सल' बिजाब "थालिम" सुंद' सल' आरो सुकुमार बसुमतारिनि "मिनिस्त्रि" सुंद' सल' बिजाबा ओंखारो। लोगोसेनो 1975 माइथायाव माखासे लिरगिरिफोरनि रेबगननिफ्राय बिजाब नडै सुंद' सल'फोरा ओंखारो। जेरै- नबीन अवारिनि "बबि हाथासि", महेश कुमार ब्रह्मनि "फाग्लि", सन्थला बसुमतारिनि "फाखन", हरिभुषन ब्रह्मनि "आंनि गिबि बिबुंथि", रबिन बसुमतारिनि "बाजै सनासि" बायदि।

बेबादिनो थाद'नाय गैयै बर' सुंद' सल' लिरनानै गोबां लिरगिरिफोरा सुंद' सल' बिजाब दिहुननानै बर' थुनलाइनि बाख्रिखौ आबुं खालामनाय नुनो मोनो। जेरै- 1976 माइथायाव निलकमल ब्रह्मनि सुजुनानै दिहुननाय "फुंखा", 1978 माइथायाव मनरन्जन लाहारिनि "सल' बिदां", 1979 माइथायाव धरनिधर अवारिनि "गान्दु सिंनि लाइजाम गांसे", 1980 माइथायाव हाल'वाबादल आफादनि "आजोला" सतिस बसुमतारी आरो नरेन्द्रलाल बर'नि जयै दिहुननाय "दुखुनि देंखो", 1981 माइथायाव रहिनि कुमार ब्रह्मनि "मिनिग्लाब" आरो 1984 माइथायाव गोख्रों सानस्रिजों सोरजिजानाय "सल'नि फुंखा" बायदि सुंद' सल' बिजाबफोरा नुजायो।

इं 1985 माइथायाव माखासे लिरगिरिफोरनि रेबगननिफ्राय गांब्रैसो सुंद' सल'फोरा ओंखारो। जेरै- बानेस्वर बसुमतारीनि "अननाय", नन्देस्वर दैमारिनि "थांनायनि दावहा", हरिभुषन ब्रह्मनि गांनै बिजाब "श्रीमति दुरलाइ" आरो "रोनाव फाग्ला", मनरन्जन लाहारिनि "सल'नि सल'", निलकमल ब्रह्मनि "सिरिनाय मान्दार", रुपनाथ मोसाहारिनि सुजुनाय "मुंख्लं" बायदि बेसेन गोसा सुंद' सल'फोरा ओंखारो। 1986 माइथायाव निलकमल ब्रह्मनि "सिलिंखार", कातिन्द्र नाथ सरगियारिनि "राजा लामा", हरेन्द्र दैमारिनि "सल'नि सल'", मधुराम बर' सुजुनाय "थुन सल'", मंगलसिं हाजवारिनि "जुगामि", कबाल बसुमतारी आरो माधबि बसुमतारीनि जयै सुजुनाय "गारबोनाय दैथुन" सुंद' सल' बिजाबफोरा नुजायो। इं 1987 माइथायाव जतीन्द्र बसुमतारीनि "बादारि", महन बर'नि "सल' बिदै", प्रेमानन्द मोसाहारिनि "अन्थाइ गुफुर हाजोनि सल" बायदि सुंद' सल' बिजाबफोरा सेबखांजायो। 1988 मायथायाव जतिन्द्र बसुमतारिनि "बारखोमानाय बिबार" आरो रुपनाथ हाजवारिनि "हांमा" सुंद' सल' बिजाबफोरा ओंखारो।

गोजौआव मख'बोनाय सुंद' सल'फोरनि अनगायैबो गोबां लिरगिरिफोरनि सुंद' सल'फोरखौ मोननो हाबावो जायखौ बेयाव रायखांनानै होनो हानाय जायाखै। सल' लिरगिरिफोरनि बेफोरबायदि सुंद' सल' सोरजिनायखौ नायोब्ला थारैनो बर'थुनलाइनि बाख्रियाव बर' सुंद' सल'आ नांगौबादि थोजासे जादों आरो बयनिबो अनसायनाय मोनदों होनना बुंनो हायो।